



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнтъ газетаст

1941 ие
МАРТОНЬ
2-це чи
25 (1321) №
ЛИСИ: 11-це ие,
12 № ковс



СССР-нь Верховной Советэнь VIII-це Сессиясь. Февралень 25-це чистэ Союзонь Советэнь ды Национальностне Советэнь вейсэнь заседаниясонть. Зверев ялгась теи доклад Государственной бюджеттэнтъ. Фотось Ф. Кисловонь ды Грибовскоень (ТАСС-нь фото).

Закрепить лыжной комсомольской кроссонь успехтнень

Мордовиянь комсомолось, истя жо, кода весе минек масторонь Ленинско-Сталинской комсомолось, Якстере Армиянь XXIII-це годовщианть лемсэ лыжной комсомольской кроссонть анокстамонь ды сонзэ ютавтомань шкастонтъ тейсь пек покш робота комсомолэцтнень ды од ломатнень ютксо военно-физкультурной роботанть вадрылгавтоманзо коряс.

Февралень 2-це чистэнтъ саезь февралень 23-це чинть самс Мордовиясо лыжной комсомольской кроссонть эйсэ примастъ участия 27.529 ломань. Сынст эйстэ 24.405 комсомолец ды комсомолка максызь ГТО-нь I-це ступенень ды БГТО-нь значоктнень лангс сокссо ды ялго якамонь коряс норматнень ды малав колмосятд ломань максызь ГТО-нь II-це ступенень значок лангс сокссо якамонь коряс норматнень.

Саранск ошо 2.544 комсомолец ды комсомолка примастъ участия кроссонть эйсэ. Сынст эйстэ 2.030 ломань максызь ГТО-нь I-це ступенень ды БГТО-нь значоктнень лангс телень норматнень ды 114 ломань максызь ГТО-нь II-це ступенень значок лангс сокссо якамонь коряс норматнень.

Зубово-Полянской районсо весе комсомолэцтнень ды комсомолкатнень эйстэ малав 90 процент участвовали кроссонть эйсэ. 812 ломань максызь ГТО-нь I-це ступенень значок лангс сокссо ды ялго якамонь коряс норматнень, 147 ломань—БГТО-нь значок лангс норматнень ды 20 ломань максызь сокссо якамонь коряс норматнень ГТО-нь II-це ступенень значок лангс.

Покш активность марто ды организованностэ ютась кроссоь Атяшевской, Краснослободской, Ромодановской ды зярря лия районсо.

Ней задачась ашти сеньсэ, штобу закрепить лыжной комсомольской кроссонь успехтнень, а оймась сень лангс, мезе уш теезь, эряви бороцямс сень кис, штобу седейк вадрылгавтомс од ломатнень ютксо оборонно-физкультурной роботанть.

Февралень 10—11-це читнестэ ульнесь ВЛКСМ-нь обкомонь пленум, косо толковазь военно-физкультурной роботадонтъ вопросось ды тешкстазь конкретной задачат те роботанть вадрыл-

гавтоманзо коряс. Пленумось тешкстызе, што эрва комсомолецэс 1941 иестэнтъ обязательно должен кармась тонавтнеме учебной кодамоак группасо СССР-нь Осоавиахимень Центральной Советэнь программанть коряс ды максомс весе норматнень ГТО-нь I-це ступенень значок лангс ды ГСО-нь значок лангс I-це профилень программанть коряс; а эрва комсомолкатнень эряви максомс норматнень ГТО-нь I-це ступенень значок лангс, ГСО-нь значок лангс норматнень омбоце профилень программанть коряс, теде башка—максомс норматнень ПВХО-нь значок лангс ды ютамс санитарной подготовка санитарной дружинатнень туртов программанть коряс.

ВЛКСМ-нь обкомонь пленумось истяжо кармавтынзе райкомтнень, горкомтнень ды первичной организациянень аравтомс кеме дисциплина военно-физкультурной подготовкань коряс занятиятнесь, ветиамс решительной бороцямс недисциплинированностень ды расхлябанностень каршо.

Ней ВЛКСМ-нь ЦК-нть решениянзо коряс весе оштнева ды районтнева ютнить комсомолонь активень собраният, косо толковать кроссонь итогтнеде вопросонть ды те иень апрель—сентябрь ковтнестэ военно-физкультурной роботань мероприятиятнеде вопросонть. Активень неть собраниятне должны педепев лангс ливтемс сеть асатыктнень, конат ульнестъ нолдазь кроссонть анокстамонь ды сонзэ ютавтомонь, сеть асатыктнень, конат улить военно-физкультурной подготовкасонтъ ды тешкстама конкретной мероприятият военн-физкультурной подготовкань тевсэнтъ се планонть коряс, конань кемекстызе ВЛКСМ-нь ЦК-сь те иень апрель—сентябрь ковтнень.

Активень собраниятне должны большевикски критиковамс сеть асатыктнень, конат улить военно-физкультурной комиссиятнень роботасост, конат ламо районга роботыть еще лавшосто.

ВЛКСМ-нь райкомтне, горкомтне ды первичной организациятне должны темс весе сень, мезе эряви комсомолэцтнень ды од ломатнень ютксо военно-физкультурной роботанть парсеге аравтоманть.

СССР-нь Верховной Советэнь I-це созывень VIII-це Сессиясь

Февралень 27-це чистэ ульнестъ Национальностне Советэнь ды Союзонь Советэнь башка заседанияст. Ялмольстэ преният 1941 иентень СССР-нь государственной бюджеттэнтъ ды 1939 иестэ СССР-нь государственной бюджеттэнтъ топавтомадо докладонтъ коряс.

Национальностне Советэнь заседаниясонть васенцекс выступил Лацис депутатось. Латвиясо советской властэнтъ улемань нурька шканть перть, корты сон, теезь уш ламо: промышленностесь пек кармась касомо, трудовой крестьянствась получась мода, панжозь кементь школат, больницат, клубт. 1941 иень бюджетэсь лезды миненек топавтосе Сталин ялганть указанинзо—маласо иетнестэ теамс Латвиянть аграрной масторсто индустриальной масторокс.

Проконен депутатось эсензэ речензэ посвящает од Карело-Финской ССР-нть успехтнень. Республикань од районтнэсэ восстановленноть предприятияне, конатнень калатнечкшнызь белофинтиянь. Созданноть машинно-тракторной станцият, совхозт. Панжозь 270 школа, ламо клубт, зярря театрат, здравоохранениян 160-де ламо эрва кодат учрежденият. Ютазь иентъ коряс республиканть бюджетэсэ покшолгали 53 проценте.

Хоштария депутатось корты советской Грузиянть пек вивестэ касомадонзо. Республикань крупной промышленностэ валовой продукциязо ютазь иентэнтъ кассь 1913 иентъ коряс 26 раздо ламоксть. Колхозтне ды совхозтне развивають пек питней субтропической ды специальной технической культурат. Грузиясь теевсь сплошной грамотностень масторокс.

Веннилова депутатось пачти, што советской властэнтъ аравтоманзо марто Литвань трудиятнень эрямосост теевсь пек покш лиякстомат. Васенце ковтнестэ жо средней школатнэсэ тонавтиятнень числась покшолгась 14 тыща ломаньс, высшей учебной заведениятнэсэ студентнень количествась кассь 100 проценте. Те иентэнтъ 1939 иентъ коряс кавто раздо ламоксть покшолгалить социальн-культурной мероприятиятне ассигнованиятне.

Пек вадра цифрасо невти Исканда-

ров депутатось Таджикской ССР-нть народной хозяйстванзо ды культуранзо расцветэнтъ. Сехте покш неть успехтне велень хозяйствань тевсэнтъ. Республикань паксятнэсэ роботыть 51 машинно-тракторной станция. 1940 иестэ государстванть хлопкань максома планось топавтозь 104 проценттэ ламос. Апак лотксе касыця государственной бюджетэсь обеспечивает республиканть народной хозяйстванзо седе тов кепедеманть.

Февралень 27-це чистэ Национальностне Советэнь заседаниясонзо выступили истяжо Казакпаев, Истомин, Гельдыев, Кулов, Андресен ды Ибрагимов депутатне.

Союзонь Советэнь заседаниясонзо васенце вал получи Кулатов депутатось. Бюджетэнтъ апак лотксе касомадонзо кувалма, корты сон, Киргизской ССР-сь теевсь СССР-нь востоксонть животноводствань основной базатнэсэ вейкекс. Колхозтнень доходост меельсэ 6 иетнень перть покшолгась 10 раз. Республикасонть—80 колхоз-миллионер.

СССР-нь Здравоохранениян Народной Комиссарось Митерев ялгась тешкстни, што од бюджетэнтъ пек вадрысто невтневи населениянть шумбрачинзэ ванстомадонть партиянтъ ды правительстванть сталинской заботаст. Иестэ иес аламолгалить ормалгалематне. СССР-нть эрва иестэ ули населениянть истамо приростозо, конадонтъ не может арсемс мирсэнтъ вейкеяк капиталистической мастор.

—Буржуазной Эстониясонть,—корты Лауристин депутатось,—бюджетэнтъ доходной пелькесзэ стака грузокс пракшность трудовой народонть лавтоманзо лангс, расходной пелькесзэ жо мольсь СССР-нть лангс нападениянть туртов плацдармань анокстамонть. Ней бюджетной ассигнованиятне молить буржуазиянть господствасонзо калавтозь промышленной предприятиятнень восстановлениянть, од фабриканъ ды заводонь строямонть, просвещениянть, здравоохраниянть. Эрва трешникесь служи народонь интереснень.

(Поладисозо 2-це страницасо).

СССР-нь Верховной Советэнь I-це созывень VIII-це Сессиясь

Форш депутатось тешкетни, што румынской бояртнень игонть эйстэ Бессарабиянь трудиятнень олакстомтомань чистэнь саезь 8 ковтнень перть олакстомтозь народонть эрымосовзо уш теветь коренной лиакстомат. Восстанавливается промышленность, пингедипингес ликвидировать безработицась. Безземельной ды малоземельной крестьяннэ получасть 250 тышад ламо гектар помещичьей ды монастырской модат. 447 миллион целковое суммасо Молдавской ССР-нть бюджетэзэ ашти республиканть пек покш хозяйственной ды культурной касоманзо источникс.

Беляков депутатось тешкетсье советской народонть благосостояниязо касоманть, кона пек вадрясто невтезь

Февралень 28-це чистэ Покш Кремлевской Дворецэнь ульнесть Союзонь Советэнь ды Национальностнень Советэнь башка заседанияст. Кавонест палататнень заседаниястэ мольт преният 1941 иентень СССР-нь государственной бюджетэнь ды 1939 иестэ СССР-нь государственной бюджетэнь топавтомадо докладонть коряс.

Союзонь Советэнь заседаниясонть выступил Строительной материалтнень промышленностень Народной комиссарось Соснин ялгась, кона ловизе Строительной материалтнень наркоматонть критиканзо видеке ды докладывает Сессиянтень сеть мероприятийтнеде, конатнень ютавтни наркоматось строительной материалтнень производстванть покшолгавтоманзо туртов ды сынт качества кастоманть туртов.

Тарасов депутатось кортась 1941 иентень Московской областень бюджетэнтень. Сонзэ характерной чертазо—областень собственной доходтнень удельной весэст пек покшолгадомась. Меельсь колмо иетнень перть неть доходтнэ кассть кавтодо ламоксть. Неть доходтнень покшолгавтомань секте важной источниксь—касыця местной промышленности.

СССР-нь Текстильной промышленности народной комиссарось Акимов ялгась тешкетни, што 1941 иентень бюджетканть текстильной промышленноститнень тешкетазь нолдамс 630 миллион целковой. Те максы возможность нолдамс эксплуатациясь зарья од предприятия ды пек покшолгавтомс ткантнень нолдамонть.

— Латвиясо советской властэнь аравтоманзо марто,—корты Латковский депутатось,—ушодовсь республикань промышленноститнень виевстэ касомазо. Икеле чавосто аштиця фабричной корпуснэ живиясть. Покш средстват максовить промышленноститнень развитиятнень те иестэнт. Тешкетазь строяме зарья од предприятия.

Олексенко депутатось эсь речензэ посвящает велень хозяйстванть электрификациянтень. Украинской ССР-нь колхозтнень примерэст лангсо ораторсь невтни колхозтнэзэ производственной процесстнень электрификациянтэ значениязо. Но те теветь масштабозо вавос еще асатышкат. Аламо использовать лейтнень энергетической ре-

1941 иентень СССР-нь государственной бюджетэнтень.

— Минек правительстванть ды лична Сталин ялганть апаж лотксе заботаст кувалма,—корты сон,—мода лангсо ды морясо минек вооруженной вийтне апаж лотксе получить од боевой средстват, теевкшнить седе яла пек неуязвимойкс, седеяк яла пек страшнойкс хоть кодамо врагонть туртов. Минь, СССР-нь военной авиациянь роботниктне, секте пек виевстэ марясынек од техниканть те виевстэ. Сон максни минек покш кемема социализмань масторонь вооруженной вийтнень непобедимостезэст.

Февралень 27-це чистэ Союзонь Советэнь заседаниясонзо выступили истяжо Гедвилас, Малов, Алиев, Гречуха, Ваганов ды Горюнов депутатнэ.

сурсаст вишка мощностень электростанциянтень келей сетэнь созданиязо туртов. Олексенко депутатось энялды ловомс эрвиксэкс ассигнованиянтень велень хозяйстванть электрификациясь.

Февралень 28-це чистэ Союзонь Советэнь заседаниясонзо выступили истя жо Свиноренко, Мельников, Леженко, Тюляев, Образцов ды Найденов депутатнэ.

Национальностнень Советэнь заседаниясонзо выступил СССР-нь Совнаркомсо кинематографиянь тевтнень коряс комитетэнь председателсь Большаков ялгась. Сон пачтась, што бюджетэнтэ коряс ассигнованиятне максыть возможность прядомс те иестэнтэ 27 од кинотеатратнень строямонть, совавтома строис 8 тыща од киноустановка, тень ютксо 7 тыща установка велесэ. 1941 иентень государственной плансонть аравтозь нолдамс 45 художественной фильма.

Гризодубова депутатось эсь речензэ тешкетсье, што гражданской воздушной флотось эсензэ парконть пополнил од скоростной пассажирской ды почтовой самолетнэсэ. Воздушной китнень кувалмост коряс Советской Союзось ней зани васенце тарка мирсэнт. Авиациясь пек покш роль налкеси народной хозяйствасонть. Самолетнэ использовать пассажиртнень ды грузтнень ускемасо, велень хозяйствасонть, рыбной промыслатнэсэ ды Арктикасо.

— Од Еврейской Автономной областесь,—корты Сухарев депутатось,—эсензэ эрымонь нурыка шканть перть, великой русской народонть братской лездамонзо марто, тейсь покш успехть. Приамурьянь покш территориясонть тайганть кестьэ завоеванойть пек вадря плодородной модат, строясь од ошт, поселкат, нолдазь тевс промышленной предприятия. Организовазь 64 колхоз (тень ютксо 18 переселенческой еврейской), 8 МТС-т, 6 совхозт ды велень хозяйствань 6 опытной станцият.

Февралень 28-це чистэ Национальностнень Советэнь заседаниясонзо выступили истяжо Бровко, Мирзаев, Козырев, Нурбаев, Растегаева, Стрелянов, Ставский депутатнэ ды СССР-нь Цветной металлургиянь Народной комиссарось Ломако ялгась.

А топавтыть обкомонь пленумонть постановлениянзо

«Велесэ культурно-политической роботасонть комсомольской организациянтень участиядоесть постановлениясонзо ВЛКСМ-нь Мордовской обкомонь II-це пленумось карматнэзе весе комсомольской организациянтень примамс секте активной участия неграмотностень ды малограмотностень ликвидациянь коряс роботасонть. Пакся Тавла велень неполной средней школань комсомольской организациясь те шкас яла мезеяк эзэ тее сень коряс, штобу топавтоме ВЛКСМ-нь обкомонь плену-

монть постановлениянзо.

Велесэнтэ зарья неграмотнойть ды малограмотнойть. Сынт тонавтомась моли лавшосто.

Зарья комсомолец явозь культурмеецэкс. Но а неяви сынт роботаст. Степайкин ды Руженкова ялгатне натой эзть якаяк сеть неграмотной ды малограмотной ломатненень, конатнень тонавтомо сын кемекстазь.

Б. Платонов.

Бочкуровой р-н.

Келей размах военно-физкультурной роботантень

Школасо военно-физкультурной роботась

Парсте аравтозь военно-физкультурной роботась Покш Маризь велень средней школань тонавтициянтень ютксо.

Малав 200 тонавтиция кантлит ПВХО-нь I-це ступенень значокт. Организовазь ды роботы ворошиловской стрелоконь кружок, козонь якить 30 эйкакш.

Тонавтициянтень ютксо оборонно-физкультурной роботанть возглавляют комсомолетнэ. Сын аволь ансяк сынсь овладають военной теветнэ, но лездыть лиятнененьгак. Примеркс, И. Куторкин комсомолецсь вети во-

рошиловской стрелоконь группа, конансэ 13 ломань. Куторкин ялгась вадрясто содасы винтовканть, топографиянтэ, вадрясто ледни. Сон получасть «ВС»-нь I-це ступенень значок. С. Мамайкин комсомолецсь сонсь аноксты максомс норматнень ПВХО-нь II-це ступенень значок ланге, ды анокстась ПВХО-нь I-це ступенень 43 значкист.

Оборонно-физкультурной роботасонть активной участия примить Ф. Кузнецов, Ф. Немайкин комсомолетнэ ды зарья лия ялгат.

И. Букки.

Чамзинской р-н.

Стувтызь эсь обязанностест

Минек масторонь од ломатне—родина патриотнэ—бажить улемс эсь родинанть достойной ванстыцякс. Сын анокстыть эсь праст сенень, штобу Якстере Армиянь рядтнэс молемадо икеле уш тонавтнемс военной теветнэ, получамс военной специальность.

Мокшалай велесэ колоньгемень до-

призывник. Но ютксоест арась кода-мояк работа.

Комсомольской организациясь стувтызь эсензэ важнейшей теветнэ: комсомолетнэнь ды од ломатнень ютксо военно-физкультурной роботанть.

А. Смолькин.

Чамзинской р-н.

Вадрясто роботыть оборонной кружоктне

Шугурова велесэ од ломатне пош интерес марто тонавтнить военной теветнэ.

Комсь допризывниктнень ютксо Смиркин ялганть инициативанзо коряс парсте аравтозь боевой ды мелкокалиберной винтовкатнень тонавтнемась.

Весе допризывниктне максызь телень

норматнень ГТО-нь значоконть лангс. Роботы ПВХО-нь кружок, недлязонзэ колмокось эрсит занятия, анокстыть ПВХО-нь значоконть лангс норматнень максомс. Занятиятне ютнить покш активность ды дисциплина марто.

Ф. Пивкин.

Б.-Березниковской р-н.

Недлантаь колмо политинформацият

Дубенкань средней школасонть тонавтициянтень ютксо классной руководителитне ютавтнить политинформацият.

Политинформациятне эрсит занятиятнень ушодовомадо икеле, эрва недляне колмокось. Тонавтициянтенень ёвтнить весе од кулатнень международной событиянтень коряс, ёвтнить седе, мезе од эрси минек масторонть келес.

Меельсь шкастонть ульнесть ютавтозь политинформацият истямо вопроснь коряс: «Европасо ды Африкасо войнась», «Русско-японской войнась», «Русско-японской войнась», «Чарльз Дарвин», «Социалистической собственностентень отношениясь» ды лият.

Н. Петрова.

Дубенской р-н.

Рисованиянь кружок

Кемгавтово тонавтиция якить рисованиянь кружоконтень, кона организовазь Покш Марсеева велень средней школасонть. Кружоконтень руководит черчениянь ды рисованиянь коряс преподавателсь В. М. Четайкин ялгась.

Кружоконтень дирекциясь рамась рисованонь конёв ды лия эрвикс принадлежность.

В. Беляков.

Чамзинской р-н.



Неть читнестэ Ичалковской средней школань тонавтициянтень лыжной командась прядызе Ичалки—Саранск маршрутонть коряс лыжной пробегень. Командась весе мезэ ютась 70 километра.

СНИМКАСОНТЬ: Ичалковской средней школань тонавтициянтень лыжной командась Саранскойсэ.

Фотось

Ю. Володинэнь.

ВЕЙКЕ КОЛХОЗОНЬ ОД ЛОМАТНЕ

1. Комсомолецнэ молить сех икеле

Смольково велень Сталин лемсэ колхозонь—Ардатовской районсонть лозови передовойкс. Покш урожаяньт кис борожмисонть сон свал нейти вадри показателть. Секс сон те нестэнь регистрировазь Всесоюзной велень хозяйствань выставкасэ участникекс кандидатокс.

Теньсэ аволь вишкине заслугазо колхозонь комсомольской организацияньт, комсомолецнэнь ды комсомолкатнэнь. 1939-це иеньт придоесто колхозонь правлениясь кочкась кандидатурат постоянной звенатнесэ руководствань ветьмо.

— Комсомольско-молодежной звенанть туртов Егорова Надядо паро а муят,— мерсь колхозонь председателесь Д. С. Курбатов ялгась.

— Да, тейтересь боевой, можна кемс лангозонзо,— мерсь лиятнеяк.

Надя по-комсомольски кармась роботаме звенанть марто, норматнэнь эрва роботасо топавтнэсь ламодо седе велекса.

Надя Мохова—Егорова ялганть звенань член. 1940 иестэ паксянь эрва кодамс роботасо тейсь 337 трудочи. Эрва теветнэнь сон кунды покш мельсэ, топавты эйсэнь добросовестностэ, аккуратностэ.

Комсомолецанть Иван Петрович Курьев ялганть марто минь вастынек сонзэ ки лангов пурнамстонзо.

— Торфоразработкав туян. Промышленностентеньгак эрявить робочейть. Арсян, што тосояк а седе беряньсэ карман роботаме,— корты Курьев ялгась.

Ютась иеньт перть Иван Петрович свал ульнэсь почётонь доскасо, сон тейсь 423 трудочи. Сонзэ икельдизе Александр Васильевич Гришин комсомолецэ. Гришинэнь трудочинзэ сядопильнегемень котодо седе ламо сондензэ. Сон весе роботатнесэ истяжо нейти трудонь сарей производительностень образецт.

Те колхозонь эрва комсомолецанть можна истя кортамс. Комсомолецнэ личнэ примерсэст мобилизовить весе колхозниктнэнь ды колхозницатнэнь те или тона роботанть эсь шкастонзо ды парсте топавтоманть.

Комсомолецнэ регулярна ютавтнить

колхозниктнэнь ютксо беседат, толковать партианть ды Советской правительстванть решенияст. Эрва комсомолецэ тесэ кемекстэз бригадас, звенас, косо сон отведи культмассовой ды агитационной роботанть кис.

Истя жо нек покш робота вети кол-

хозной стенгазетась, конань редактирует комсомолецэ Бударков ялгась. Стенгазетась лисни регулярнойстэ ды нейти звенатнэнь ды башка колхозниктнэнь роботань паро опытаст. Сон истя жо нек пштитэ критикови сеть асаткстнэнь, конат эрсит колхозсонть.



Сталин лемсэ колхозонь комсомольско-молодежной постоянной звенань звеневоесь Надя Егорова.



Сталин лемсэ колхозонь знатной стажановецэ комсомолецэ Александр Гришин. Фотось Ив. Антоновонь.

2. Колмо ялгат

Дмитрий Степанович Гришинэнь звенась—колхозсонть сех паро звенатнесэ вейкес. Ютась иестэнь эрва гектарсонть получась среднейстэ 108 пондо зерно-бобовой культурань урожай. Те иень тунда видемантьгак те звенас уш умок анок. Звенань члентнэнь ютксо роботыть колмо тейтерть, колмо неразлучной ялгат. Неть Поля ды Женя Егороватне ды Наташа Стеняхина. Кодамс роботасо сын бу авольт робота, нормаст свал топавтнить 140—150 проценты.

А бути варштант сынст трудочист лангс, мельсэпаро сайдынат. Поля Егорова 1940 иестэ тейсь 402 трудочи, Женя Егорова—381 трудочи, Наташа

Стеняхина—366 трудочи, 1941 иень омбоце пель ковонь перть сын кенерсть уш тееме 50—55 трудочи.

Телень чокшнетнэстэ велень од ломатне пурнавкшнить колхозной клубонть. Тезэ истя жо сакшнить колмо оятнеяк—Надя, Женя ды Наташа. Сын тесэяк сехте инициативнойт.

— А ну, цёрат, моратано седе весёла моро...

«Капитан, капитан, улыбнитесь, Ведь улыбка это—флаг корабля»...

Парсте роботат—весёласто и оймсят. Колмо ялгатне—васенцет и роботасо, и оймсемасо.

Ив. Антонов.

КОЛХОЗНОЙ КЛУБОСЬ АШТИ ВЕЛЕСЭ КУЛЬТУРНОЙ РОБОТАНЬ ЦЕНТРАКС

Пакся Тавлань клубось ашти велесэ культурно-массовой роботань алкуксонь центракс. Тесэ эрва недлясто неполной средней школань тонавтицань ды велень од ломатнэнь вийсэ эрсит налксезь спектаклят. Постановкатнеде икеле свал эрсит эрва кодамс темас лекцият, беседат или докладт.

Февраль ковонь перть колхозниктнэнь ульнэсь неитезь «Преступник», «Тумо Петя» ды лия постановкат.

Велень сех паро агитатортнесэ вейкес Сунайкин ялгась аволь умок тейнесэ доклад: «Колхозсо животноводствась».

Покш интерес марто колхозниктне ды колхозницатне кунсолызь неполной средней школань преподавательницанть Маркулаева ялганть «Советской патриотизмадонть» лекциянзо.

Ней агитаторнэ клубсонть эрва чокшнэ ютавтнить колхозниктнэнь туртов беседат ВКП(б)-нь XVIII-це конференциянь решениятнэнь ды СССР-нь Верховной Советань VIII-це Сессиянь материалтнэнь коряс.

Б. Платонов.

Кочкуровской р-н.

Комсомолецнэ—ве ёнот

Улитъ культармеецтк. Ули весе, мезе эряви. Арась аняк главноесэ—робота. Велесэнь—Косогорсо—зяря неграмотной ды малограмотной колхозникт. Ламо кортасть сынст тонавтомодо. Велень советань председателесь А. Боларкин ялгась мик валгак максэ: маень васенце чинть самс, келя, ликвидировасынек неграмотностеньт ды малограмотностеньт.

Валось максозь. Шкась моли. Но неграмотнойтнэнь ды малограмотнойтнэнь тонавтомас яла апак ушодо. Тень толковить сенсэ, што буте арасть учебникт, тетрадьт ды карандашт. Чарьковдеви, што те аволь оправдания. Ведь кияк сурсто сурс эзь вачкоде сень кувалт, штобу кармавольт сын улеме.

Велень комсомолецнэ аштитъ ве ёноте важнейшей теветнэ эйстэ. Сын не проявили кодамояк инициатива.

Д. Барсуков.

Б.-Березниковской р-н.

Агитаторнэнь-антирелигиозникнэнь лексэкс

Религиясь—тейтерь-аватнэнь раскрепощениянь враг

Эрва кодамс религиясь ашти тейтерь-аватнэнь раскрепощениянь злейшей врагокс. Тейтерь-аватнэнь коряс религиянь моралес пешкес человеконенавистнической духсо. Кода тест мерить «священной» книгатне—библияс, евангелияс ды лиятне—отражали собственниктнэнь-эксплуататортнэнь взглядост, конат пешкесельт тейтерь-аватнэнь кувалт эрвамень мерзкой ды гнусной поучениядо. Неть книгатнесэ тейтерь-аватнэнь лиякс кодаяк а мерить, кода «асензэ мирдензэ уре, сонзэ хозяйстванзо, сонзэ собственностензэ киска» ды лият.

Кода ёвтазь библиясонть, пазось сюдызе тейтерь-аванть ды мерсь цёрантень свал кирдемс господства сонзэ лангс. Библиясонть ёвтазь: «Мерсь пазось Моисейнэнь... бути авась чачты лёрыне, сон аволь ванькс ули сисем чить, бути жо сон чачты тейтерьне, то сон ули аванькс кавто недлят».

Маконой соборсо 585-це иестэ церковниктне аравитнэсь голосованияс вопрос: ули ли тейтерь-аванть оймезэ, секс што библиясонть апак ёвта, што пазось путсь оиме Евангелияк. Ды аняк вейке вайгельде ламо голосоваст сень

кис, што тейтерь-аванть сетки ули оймезэ.

Церковась свал кортась тейтерь-аванть экономической ды политической угнетениянзо кис. Парской Россиянь законтнэнь коряс тейтерь-аванть арасельт кодаткак политической праванзо. Сон целанек ульнэсь мирдензэ подчинениясо. Парской законтнэнь сводонь 103-це статьясонть мерезель: «Козейкась должен эрва мейсэ служамс мирденстань». Капиталистнэ ды помещиктне эксплуатироваст трудни тейтерь-аватнэнь эрва кода. Ламо тейтерь-ават роботаст прислугакс капиталистнэнь ды помещиктнэнь, чиновниктнэнь ды кулактнэнь кедрсэ.

Капиталистической мастортнесэ тейтерь-авась эри нейгак нек стака эксплуатациясо. Примеркс, Англиясо мирденэ лисезь аванть арасть праванзо улеме государственной службасо, роботаме педагогекс. Капиталистической мастортнесэ церковниктне ловить тейтерь-аванть грехен ды дьявольской духонь воплощениякс.

Английской епископось Кентерберийский, конань тосо ловить святойкс, истя корты тейтерь-аватнеде:

«Тейтерь-авась теке дьявольской оргат, кудряв черь марто, эпи сон эрва козо, канды мартонзо грех ды зыян. Мезеяк арась тейтерь-аватнеде зыянов, мейсэяк истя сеетсэ кезев врагос а ёмавыт ломатнэнь, кода тейтерь-аватнесэ».

Тейтерь-аватнэнь те шкас арасть избирательной праваст Франциясо, Румыниясо, Болгариясо, Япониясо.

Аняк Великой Октябрьской Социалистической революциясь СССР-сэ олакстомтынзе трудиятнэнь эксплуататорской гнетонть эйстэ, истожинзе весе позорной законтнэнь, конат унижали тейтерь-аватнэнь достоинстваст. Советской тейтерь-аватнэнь максозь вейкеть прават цёратнэнь марто хозяйственной, государственной, культурной ды общественно-политической эрямонь весе областнесэ. Труд лангс, трудонть кис пандоманть лангс, социальной страхования ды образования лангс равноправиясь истожизе тейтерь-аватнэнь экономической зависимостеньт.

Бути икеле тейтерь-аванть тетязоили мирдезэ кортась, што сон анды эйсэнь, то ней арась ды не может улеме истямо положения аволь аняк ошсо, но велесэяк. Колхозной строесь целанек лиякстомтызе тейтерь-аванть эрямонзо семьясояк, обществасояк.

Чиде-чис касыть стахановкатнэнь рядтне промышленностэ ды велень хозяйствасо. Арась производствань истямо отрасля, косо бу советской тей-

терь-аватне авольт робота вейкетсэ цёратнэнь марто ды авольт получа сынст марто вейкетсэ зарплата. Мик масторсо тейтерь-аватнэнь ютксо кармасть улеме Советской Союзонь Геройть, чиде-чис ламолгадыть тейтерь-аватнэнь-орденоносцинтнэнь рядтне. Тейтерь-аватне кармасть участвовамо государственной управлениясонть. 189 тейтерь-аватне СССР-нь Верховной Советань депутатокс, 848 тейтерь-аватне Союзной республикатнэнь Верховной Советань депутатокс.

Миллионт советской тейтерь-ават лоткасть религиянтнэнь кемеме ды кармасть улеме безбожникакс. Но, тень лангс апак вано, религиозной пережиткатне тейтерь-аватнэнь ютксо еще виевть. Сын кандыть нек покш зыян тейтерь-аватнэнь, сынст шумбрациятнэнь. Чачтамо шкасто религиозной обуятнэнь коряс теэз, орожениянь яказь, религиозной лечамонь эрва кодат средстватне—весе те калечит тейтерь-аватнэнь шумбрачист.

Весе те кармавты минек, васняк Воинствующей Безбожниктнэнь Союзтнэнь, комсомолонть ды школанть, виегавтомс антирелигиозной пропаганданть трудни тейтерь-аватнэнь ютксо.

Г. Вишняков,

СВВ-нь республиканской Советань лектор.

ЮНКРОНЬ СЕРМАТ

„Сонензэ а ютко“

— Косо Вера Васильевна?
— Тон эзик нее Вера Васильевна?
— Косто бу сонзэ мумес?

Малав эрва чистэ можна марсеме иеть кевкстнематнень. Те истя Мокшай велемь неполной средней школань пионернэ вешнекшнить эсест вожатонть Бобина ялганть, кона чуросто, пек чуросто эрси сынст ютксо, сынст марто.

Школасонть не чувствуется кодамоак пионерской работа. Пионернэ те шкас алак явше отрядга ды звенава. Пионерской спорт арасельть куруксто. Стенгазетат а лиснить.

Пионернэ арсесть анокстамс ды ютавтомс «На штурм» военной налксеманть. Бобина ялгась тест эзь лезда. Ней ламот кортнить «Разведчики» налксеманть анокстамонть. Ансяк вожатоемь мездяк а мелявты. Пионернэ кортнесть колхозной молодняконть лангсо сасем шефства. Вожатоемь мерсь, што те аволь сонзэ тевесь, азёдо, келя, кортнеде колхозонь правлениянть марто.

Кодамо тевень коряс не обратились бу пионернэ эсь вожатонень, сон корты, што тензэ пек а ютко. Кодат сонзэ а ютконзо—ки соды.

Бобина ялгась—библиотекань заведующей. Паряк тосо парсте работы, тосо ютавти шканзо? Арась! Вана уш колмоце ков малав овси а панжтнесь библиотеканькак.

Н. Щекин.

Чамзинской р-н.

КОЛХОЗНИКНЕ МИИТЬ СЮРО ГОСУДАРСТВАНТЬ

Ламо суро эсь трудочист лангс получась Шугурова велесэ Калининлемсэ колхозонь колхозникне.

Аволь умок ульнесь колхозсонть общей собрания, косо колхозникне решиз миемс государстванть эсь лишной сюрост эрва трудочинть эйстэ 600 грамма.

Ф. Пивкин.

Б.-Березниковской р-н.

КОЛХОЗОНТЬ ДЫ КОЛХОЗНИКНЕНЬ ДОХОДОСТ

Иде иес яла седеяк кемелгады ды супалгады Сабаева велень Куйбышевлемсэ колхозось.

Ютась иень кис отчетось невтизе, што колхозонть доходозо пек седе кассь икелень иетнень коряс. Колхозось зарья видни мушко. Ды 1940 иень мушконть кис получась ваньке доход 220.470 целковой. Полеводстванть эйстэ доходось—68.198 целковой, животноводстванть эйстэ 7.260.

Колхозонть доходонзо касоманть марто ве шкаве касы колхозникненькак доходост. 1940 иенть кис, суродонть, эмежтнеде ды коромдонть башка, эрва трудочинть лангс колхозникнень сави 2 целковой 70 тр. ярмакт ды аволь аламо пона.


М. Ф. Пронькин колхозникнень семиязо ютась иестанть тейсь 1.618 трудочи. Тень кис получась 3.722 килограмма суро, 4.969 целковой ярмакт. В. И. Аверкин колхозникнень семиязо 1.151 трудочи лангс получась 2.647 килограмма суро ды 3.107 целковой ярмакт.

Истяжо сатышка суро, эсь скотинатненень кором ды зарья сядо целковой ярмакт получась ламо лия колхозникнькак.

Вадрясто эрить Сабаева велень колхозникне!

Ф. Четаикин.

Кочуровской р-н.



Саранской 3-це № школань 4-це классонь тонавничьясь-отличницась Зина Лисенкова аноксты уроконзо.

Фотось А. Кочинень.

Родной литературань уроксо

Пек ламо творческой виест минек одломатнень, эйкакштнень. Кодамо жизнерадостной ды целеустремленной советской школьниконой тонавнемань эрва минутазо! Зяро мельспаро, зяро радость эрва школьниконой седейсэ эрси, кода сон парсте тейсы максозь уроконт! Живойстэ ютнить занятия, бути заинтересуешь материалонть эйсэ школьниконой.

Минек тонавничьянть пек вечксызь родной литературань уроконт. Но эрси истяк: косо преподаваниясь аравтозь беряньстэ, тосо родной (эрзянь) литературань уроконт тейневкшнить оймсемань часокс. Тесэ ламодо шумот эрсить преподавательнень, конат эзть машто кепедемь родной литературанть интересанть.

Мон монсь преподаю эрзянь литература Ичалкань средней школасо. Эрва уроксо убеждаюсь, кода эйкакштне покш мельсэ тонавничьянть родной литературанть.

Аволь умок 7-це «С» классонть эйсэ эрзянь литературань уроксо разбирал Лермонтовонь творчестванзо. Эрвась ютамс «Прощай, немытая Россия» стихонть. Сон переведенной эрзянь кельс. 1940 иестэ печатазель «Сятко» журналонь 10-це номерсанть. 7-це «С» классонь тонавничьянть те переводонть эзизь ловнокшно, а содылизь.

Мон арсинь тееме истя: васня стихонть ловномс рузкс, мейле эрзяк ды тееме эрвякис разбор. Но зяро ловныя рузкс, сась тень истямо мель: максомс тонавничьянть рузонь текстанть, кадык сынсь тейть те стихонть художественной перевод. Те меленть ёвтыя тонавничьянть. Сын покш мельсэ сонзэ вастызь. Классной лазонть лангс сёрмады васень куплетанть. Тонавничьянть весе кундасть сынст те од, апак содань творческой роботанть. Ютасть 5—6 минутат. Стась Ната-

ша Четвергова ды мерсь:

— Мон тея переводонть.

Весе лиянть кармасть энялдомо, штобу сон ловновлизе. Наташа виздиль, аламодо якстерьгадсь. Варштась весень лангс ды ловнызе:

«Прощай, тон, апак шля Россия,
Рабонь мастор, бояр мастор,
И тынь, голубой мундиртнэ,
И тон, кунсолыпя тест народ».

Сёрмадынть меельсэ ниле строчкатнень. Таго весе кармасть переводить. Вете минутодо мейле Наташа Четвергова таго уш ловносэ эсь переводонть: «Можот Кавказонь пандо экшес Кекшан мон тынк царьтнень эйстэ, Сынст весе неиця сельмедест Сынст весе мариця пиледест».

Весе тонавничьянть юткото сех курук ды сех парсте теизе переводонть Четвергова. Виде, переводсонть улить зарья асатыкст: кой-косо колсезь размерсь, арась рифмат, улить а истят валт, кодат эрвякить смысланть ёвтамонзо кис. Ды камень минутас алкуксонь художественной паре перевод киненькак а теевьяк. Тевесь аволь тень эйсэ. Тевесь сеньсэ, што тонавничьянть ды, васняк, Наташа Четвергова, вечкезь, покш виень путозь, покш мельсэ отнесли тест максозь заданиянть. Те опытанть мейле весе классонть седеяк пек кассь родной литературанть интересэсь.

Монь койсэ а берянь улелель, бути родной литературань уроконтесэ максомс тонавничьянть задания лацо, штобу сынсь сёрмадовольть стих, ёвтнама или теевельть а покш перевод. Те пек лезды ютавикс материалнень седе парсте чарькодематенькак ды родной литературанть интересанть кепедематенькак.

И. П. Кривошеев,

Ичалковской средней школань преподаватель.

Пионерской организациясь руководствавомо

Пионерской организациясь покш. Эйсэнзэ кемень отрядт. Зяро бути старшей пионервожатоек ульнесь Учкина ялгась. Сонзэ каизь сень кис, што кодамоак работа эзь веть. Ней жо тевесэ седеяк беряньстэ ашти. Старшей пионервожатой арась, отрядонь вожатойнэ ды звеньевойнэ учнить зяро карми улеме ломань, кона максы тест указаний, ёвты месь тейнемс, карми лездамо, руководить весе пионерской роботасонть. Секс сын а ютавничьянть а спорт, а налксемат. Паро, што кой-кона преподавательнэ, классной руко-

водительнэ мукшныть шка ды эрвась эсь классонть эйсэ вети пионернэнь ютксо работа. Но те моли ансяк эсь класктнэсь, замкнуто.

Косогор велень неполной средней школань комсомольской организациясь кодамоак мель а яви пионерской роботанть. Комсомолетнэ а тонавтыть ВЛКСМ-нь ЦК-нь IX-це пленумонть решениянзо седе, штобу лездемь школасо пионерской организациянть весе сынст роботасост.

Д. Барсуков.

Б.-Березниковской р-н.

Сёрма вейке школасто

Учотано лескс

Перерыв. Тонавничьянть чапкавтомс, панарнэсь чить школань вейке помещениясонть омбоцентень.

— Ки тенк тей мерсь сакшномо?— омбоце помещениясонть лисемста кевкстинзэ сынст школань директорось Шайкин ялгась.

— Минек веденек тосо а эрси, симеманок пек састь,— отвечасть эйкакштнэ директоронть.

Истя минек Б.-Ремезенской неполной средней школань тонавничьянть эрва перерывстэ чийнить симеме. Теевкшн покш очередь. Аволь чуросто эрсит туремкат се мутна веднень кис, конань можна мумес тестэ чемемен ды зярдояк апак шлякшно котёлсонть.

Теск жо тешкстасынек, што школасонть улить аволь брать бект, ансяк сын ёртозь чемеменакшно.

Минек школасо безобразиянть аволь аламо ульнесь тешкстазь «Ленинэнь киявасо» печатазь «Добродушьян следтнэ» статьясонтькак, но директорось Шайкин ялгась аволь ламо мерат примась сынст ликвидированть коряс, а ВЛКСМ-нь райкомонь ды РОНО-нь роботникне эрсит тесэ пек чуросто.

О. Николаев ды Б. Григорьев.

Чамзинской р-н.

Мелявкстомо бригадир

Никитин ялгась пек «прославился». Гузынца велесэ «II-я большевистская весна» колхозонть. Ламо кортнемат якить сонзэ кувалт. Кой-кит натой шныть эйсэнзэ.

Сон, Никитин ялгась—бригадир. Кодамоак мелявкс а соды Никитин ялгась. А стяко сонзэ бригадась сехте удалом кадвозекс лововияк. Тунда видематнень сон аволь анок. Лишметнень упитанностест берянь. А сатыть зарья сбруйть, сетне жо, конат улить—кольскаладсть. Бригаданть максозель задания: февралень 15-це чинть самс сортировамс 250 центнер суро ды истянь жо нолдамс триерань пачк. Сортовазь жо ансяк 50 центнер, триерань пачк нолдазь 40 центнер.

Кодамоак тевсэ а капши пек Никитин бригадирэсь. Колхозонь правлениясь ды, васняк, председателесь а вешить пельдензэ работа, а вешить сень, штобу бригадась эсь шкасто ды парсте аноктаволь тунда видематнень.

К. Солодовников.

Б.-Березниковской р-н.

ПИОНЕРНЭ САЙСТЬ ШЕФСТВА

Неть читнестэ Дубенской средней школань 52 пионер сайсть шефства колхозонь молодняконть лангсо.

Кемгавтомо пионер эрва чистэ якить сынст кемекстазь молоднякнень ванкшномо, ветить мельгасть уход, кантлить симемкс, макснить кором, помещениясонть кирдить ванькеси.

Шефстванть сех парсте ветить Шемонатова, Кулагина, Гагаркин, Гулягин, Инкин пионернэ ды пионеркатне.

Н. Петрова.

Дубенской р-н.

Извещения

ВЛКСМ-нь Саранской горкомос пачти, што 1941 иень мартонь 3-це чистэ чокшнэ 7 чассто фельдшерско-акушерской школасо карми улемо ошов комсомольской ды физкультурной активень собрания.

Чинь повесткась: Якстере Армиянь XXIII-це годовщинанть лемсэ лыжной комсомольской кроссонть итогтне ды 1941 иентень массовой военно-физкультурной роботань планось.

ВЛКСМ-нь горкомось.

Ответ. редакторось А. ЩЕГЛОВ.